

金匱要略直解中卷

新安程 林雲來註

上海秦伯未校

肺痿肺癰欬嗽上氣病脉證治第七

問曰。熱在上焦者。因欬爲肺痿。肺痿之病。從何得之。師曰。或從汗出。或從嘔吐。或從消渴。小便利數。或從便難。又被快藥下利。重亡津液。故得之。曰。寸口脉數。其人欬。口中反有濁唾涎沫者何。師曰。爲肺痿之病。

難經曰。腎主五液。今病人或從汗吐之後。或從消渴。小便利數之後。皆令津液內亡。液亡則水不能制火。故寸口脉數。爲火盛刑金。是以肺熱葉焦。欬唾涎沫。爲肺痿之病也。脾主涎。腎主唾。脾爲肺母。腎爲肺子。肺虛則子母不能宣攝其津液。故欬則逆於上。而爲濁唾涎沫也。



金匱要略直解中卷

新安程 林雲來註

上海秦伯未校

肺痿肺癰欬嗽上氣病脉證治第七

問曰。熱在上焦者。因欬爲肺痿。肺痿之病。從何得之。師曰。或從汗出。或從嘔吐。或從消渴。小便利數。或從便難。又被快藥下利。重亡津液。故得之。曰。寸口脉數。其人欬。口中反有濁唾涎沫者何。師曰。爲肺痿之病。

難經曰。腎主五液。今病人或從汗吐之後。或從消渴。小便利數之後。皆令津液內亡。液亡則水不能制火。故寸口脉數。爲火盛刑金。是以肺熱葉焦。欬唾涎沫。爲肺痿之病也。脾主涎。腎主唾。脾爲肺母。腎爲肺子。肺虛則子母不能宣攝其津液。故欬則逆於上。而爲濁唾涎沫也。



若口中辟辟燥。欬卽胸中隱隱痛。脉反滑數。此爲肺癰。欬唾膿血。

若口乾燥。欬而胸中隱隱作痛者。以胸中爲肺之部分。知肺癰已成。上症脉微數。今反滑數者。熱在肺中。蓄結癰膿。故欬唾膿血也。

脉數虛者爲肺痿。數實者爲肺癰。

肺痿得之亡津液。故脉數虛。肺癰得之熱蓄結。故脉數實。

問曰。病欬逆。脉之何以知此爲肺癰。當有膿血。吐之則死。其脉何類。師曰。寸口脉微而數。微則爲風。數則爲熱。微則汗出。數則惡寒。風中於衛。呼氣不入。熱過於榮。吸而不出。風傷皮毛。熱傷血脉。風舍於肺。其人則欬。口乾喘滿。咽燥不渴。多唾濁沫。時時振寒。熱之所過。血爲之凝滯。畜結癰膿。吐如米粥。始萌可救。膿成則死。

何以知其爲肺癰。診其脉。寸口微而數。微則爲風。風中於衛。傷其皮毛。故微



則汗出也。數則爲熱。熱過於榮。傷其血脉。故數則惡寒也。一呼一吸。榮衛流行。今中於衛。熱過於榮。呼吸之間。致榮衛失其出入之常度。故有呼氣不入。而吸氣不出也。肺合皮毛。始而風傷皮毛。久則風舍於肺。肺傷則欬而喘滿。雖口乾咽燥。而多吐濁沫。故不渴也。時時振寒者。表氣不守。表中邪熱過於肺經。則血凝膿結。故吐如米粥也。始萌則肺未傷。故可救。膿成則肺已壞。故死。

王好古曰。經言呼出心與肺。吸入腎與肝。或云呼出腎與肝。吸入心與肺。何也。答曰。呼不再呼。肺氣隨陽已入。吸不再吸。肝氣隨陰已出。大抵呼出心與肺。從天而言也。吸入腎與肝。從地而言也。噫呼中有吸。不爲獨陽。吸中有呼。不爲獨陰。呼吸之中。陰陽互宅。故仲景言呼氣不入。吸氣不出。詞旨甚深。反言見意。學者究心。

上氣面浮腫肩息。其脉浮大不治。又加利尤甚。

上氣則喘。喘甚則搖肩。故曰肩息。以肩息則肺氣衰。面腫則胃氣竭。浮大者。虛脉也。故爲不治。加之以利。則脾土又衰。故云尤甚。

上氣喘而躁者。屬肺脹。欲作風水。發汗則愈。

形寒飲冷則傷肺。肺傷則上氣喘息而煩躁也。由於金令不宣。風寒冷飲壅塞肺經。而欲作風水之證。發其汗則風去飲行。而肺脹悉愈。

肺痿吐涎沫而不欬者。其人不渴。必遺尿小便數。所以然者。以上虛不能制下故也。此爲肺中冷。必眩。多唾涎。甘草乾薑湯以溫之。若服湯已渴者。屬消渴。肺痿但吐涎沫而不欬者。上焦無熱也。無熱則不渴。唯其上焦無熱。則肺中虛冷。不能禁制下焦。約束便溺。故遺尿而小便數也。肺既虛冷。又不能宣攝五液。但鬱於肺經而爲涎唾。逆於頭而爲眩也。



南京中醫藥大學圖書館版權所有

甘草乾薑湯方

甘草

四兩炙

乾薑

二兩炮

右咬咀。以水三升。煮取一升五合。去滓。分溫再服。

肺冷者。溫以乾薑。肺虛者。補以甘草。若服湯已而作渴者。此肺虛引水自救。又屬消渴之證。

肺痿有寒熱辨。肺痿一症。上章言熱在上焦。下章言此爲肺中冷。似前後矛盾。夫脾爲胃行津液。以輸於肺。津液亡。則肺熱葉乾。乾則欬。欬則胃中涎唾上引。故曰熱在上焦者。因欬爲肺痿。此屬於熱。人所易知。至於上焦之陽。隨津液以亡者。則金寒胃冷。涎唾上溢。肺藏受傷。故曰肺痿唾沫涎而不欬。此屬於寒。人所未易識也。然欬者爲熱。不欬者爲寒。是爲易辨矣。其熱在上焦。仲景不云何方以治。其肺中冷者。溫以甘草乾薑。二物雖爲溫肺。其實甘



草以和胃。乾薑以溫脾。胃和則涎唾能散。脾溫則津液能行。子虛補母。爲不易之良方也。

欬而上氣。喉中水鷄聲。射干麻黃湯主之。

射干麻黃湯方

射干 二兩

麻黃 四兩

生薑 四兩

細辛

紫苑

欬冬花 各二兩

五味子 半升

大棗 七枚

半夏 半升洗

右九味。以水一斗二升。先煮麻黃兩沸。去上沫。內諸藥。煮取三升。分溫三服。

欬而上氣。如水鷄聲。連連不絕者。是湯主之。內經曰。肺苦氣上逆。急食苦以泄之。射干紫苑之苦。所以泄逆氣也。以辛瀉之。麻黃生薑細辛半夏欬冬之



辛。所以瀉風邪也。以酸收之。以酸補之。五味之酸以補不足。虛則補其母。大棗之甘所以補母。

欬逆上氣。時時唾濁。但坐不得眠。皂莢丸主之。

皂莢丸方

皂莢

八兩刮去皮用酥炙

右一味。末之。蜜丸梧子大。以棗膏和湯服二丸。日三夜一服。

濁唾壅塞於肺。則不得臥。故時時唾濁也。皂莢味辛。鹹辛能散。鹹能軟。宜壅導滯。利竅消風。莫過於此。故欬逆上氣。時時唾濁。坐不得臥者。宜之。然藥性慄悍。佐棗膏之甘。以緩其藥勢。

欬而脉浮者。厚朴麻黃湯主之。脉沉者。澤漆湯主之。

浮則爲風。厚朴麻黃湯以散風邪。沉則爲寒。澤漆湯以溫肺氣。



厚朴麻黃湯方

厚朴 五兩

麻黃 四兩

石膏 如雞子大

杏仁 半升

半夏 半升

乾薑 二兩

細辛 一兩

小麥 一升

五味子 半升

右九味。以水一斗二升。先煮小麥熟。去滓。內諸藥。煮取三升。溫服一升。日三服。

麻黃石膏細辛。開腠理而致津液。半夏乾薑杏仁。止喘欬而下逆氣。厚朴平胃。小麥補脾。五味補肺。九味治欬而脉浮者用之。

澤漆湯方

半夏 半升

紫參 五兩一作紫苑

澤漆 三升以東流水五斗煮取一斗五升

生薑 五兩

白前 五兩

甘草

黃芩

人參

桂枝 各三兩

右九味。㕮咀。內澤漆汁中。煮取五升。溫服五合。至夜盡。

脉沈者。非寒邪。卽有伏飲。以澤漆半夏長於消痰水。生薑桂枝長於泄風邪。

甘參人參長於補肺金。白前紫苑黃芩長於止咳欬。九味治欬而脉沉者。

大逆上氣。咽喉不利。止逆下氣者。麥門冬湯主之。

麥門冬湯方

麥門冬 七升

半夏 一升

人參 二兩

甘草 二兩

粳米 三合

大棗 十二枚

右六味。以水一斗六升。煮取六升。溫服一升。日三夜一服。

大逆上氣。則爲喘爲欬。咽喉爲之不利。麥門冬半夏以下氣。粳米大棗以補脾。甘草人參以補肺。脾肺相生。則氣得歸原。而大逆上氣自止。

肺癰喘不得臥。蘆葦大棗瀉肺湯主之。

癰生於肺。隔礙上焦故喘。喘則不得臥。與蘆葦以瀉肺定喘。則邪去。大棗以補脾益胃。則正復。而蘆葦又過於瀉肺。緩以大棗之甘也。

蘆葦大棗瀉肺湯方

蘆葦

熬令黃色搗丸如彈子大

大棗 十二枚

右先以水三升。煮棗取二升。去棗。內蘆葦。煮取一升。頓服。

欬而胸滿。振寒脉數。咽乾不渴。時時濁唾腥臭。久久吐膿如米粥者。爲肺癰。桔梗湯主之。

胸滿振寒脉數。癰已成也。咽乾不渴。時出濁唾膿已成也。甚則至於腥臭矣。

故用桔梗湯以解毒。

桔梗湯方



桔梗 一兩

甘草 一兩

右二味。以水三升。煮取一升。分溫再服。則吐膿血也。

桔梗之辛苦以解毒。甘草之甘溫以排膿。已結癰膿必吐出而後愈。故再服則吐膿血。

欬而上氣。此爲肺脹。其人喘。目如脫狀。脉浮大者。越婢加半夏湯主之。風寒客於肺中。則肺竅不利。故喘欬上氣。喘欬甚者。則目張。故目如脫狀也。前證肺衰。則喘息動形。胃竭則面浮腫。故脉浮大不治。今脉浮爲風。大爲寒。風寒壅於上焦。故用此湯發汗。

越婢加半夏湯方

麻黃 六兩

石膏 半斤

生薑 二兩

大棗 十五枚

甘草 二兩

半夏 半斤

右六味。以水六升。先煮麻黃去上沫。內諸藥。煮取三升。分溫三服。

辛以散之。麻黃石膏生薑半夏之辛。以散逆氣。甘以緩之。甘草大棗之甘。以緩逆氣。辛甘相合。脾肺發越。則上焦之邪。必從汗出而泄也。

肺脹。欬而上氣。煩躁而喘。脉浮者。心下有水。小青龍加石膏湯主之。

上證喘而躁者。屬肺脹。欲作風水。發汗則愈。此症心下有水。亦與上證不殊。故用小青龍加石膏湯以發汗。

小青龍加石膏湯方

麻黃

芍藥

桂枝

細辛 各三兩

石膏 二兩

甘草

乾薑 各三兩

五味子

半夏 各半升

右九味。以水一斗。先煮麻黃去上沫。內諸藥。煮取三升。強人服一升。羸者

減之。日三服。小兒服四合。

麻黃桂枝乾薑。用以止欬逆。細辛半夏。用以去水飲。五味芍藥。用以收逆氣。石膏甘草。用以止躁喘。九味爲治肺脹。去水飲散風寒之重劑。

肺癰胸脹滿。一身面目浮腫。鼻塞。清涕出。不聞香臭。酸辛。欬氣上逆。喘鳴迫塞。葶藶大棗瀉肺湯主之。

癰在肺。則胸脹滿。肺調百脉而主皮毛。肺病。則一身面目浮腫也。肺開竅於鼻。肺氣壅滯。則畜門不開。但清涕滲出。而濁膿猶塞於鼻。肺之間。故不聞香鼻。酸辛也。以其氣逆於上焦。則有喘鳴迫塞之證。與葶藶大棗湯以瀉肺。

奔豚氣病脉證治第八

師曰。病有奔豚。有吐膿。有驚怖。有火邪。此四部病皆從驚發得之。

篇目止奔豚一證。而吐膿驚怕火邪。皆簡脫。必有缺文。經曰。太陽傷寒者。加

溫鍼必驚也。若鍼處被寒，核起而赤者，必作奔豚。發汗後，臍下悸者，欲作奔豚。故奔豚病從驚發而得。

師曰：奔豚病從少腹上衝咽喉，發作欲死，復還止，皆從驚恐得之。少陰脈循喉嚨，因其所繫之經而上衝，殊便也。

發汗後，燒鍼令其汗，鍼處被寒，核起而赤者，必發奔豚。氣從少腹上至心，灸起核上各一壯，與桂枝加桂湯。

奔豚，腎邪也。燒鍼令汗，縱不合法，與少陰何與？而作奔豚，蓋太陽相表裏也。桂能伐腎，故用桂加入桂枝湯中。一以外解風邪，一以內泄陰氣也。

桂枝加桂湯方

桂枝 五兩

芍藥 三兩

甘草 二兩 炙

生薑 三兩

大棗 十二枚

右五味以水七升。微火煮取三升。去滓。溫服一升。

奔豚氣上衝胸。腹痛往來寒熱。奔豚湯主之。

此屬奔豚之微者。故用奔豚湯以從心調血散逆。

奔豚湯方

甘草

芎藭

當歸 各二兩

半夏 四兩

黃芩 二兩

生葛 五兩

芍藥 二兩

生薑 四兩

甘李根白皮 一

右九味以水二升。煮取五升。溫服一升。日三服。

發汗後。臍下悸者。欲作奔豚。茯苓桂枝甘草大棗湯主之。

難經曰。腎之積名曰奔豚。發於少腹。上至心下。若江豚之或上或下。久不已。令人欬逆。骨疼少氣。以丙丁日得之。今發汗後。臍下悸。欲作奔豚。雖非丙丁。

日得。然汗者心之液。汗多則心氣虛。腎氣因動也。丙丁亦屬心也。故以茯苓爲君。伐腎邪而利水。桂枝爲臣。泄腎氣以行陰。甘草爲佐。大棗爲使。二物用以入脾。令土能勝水。甘爛水者。揚之則甘而輕。取其不助腎邪也。

茯苓桂枝甘草大棗湯方

茯苓 半斤

甘草 二兩炙

大棗 十五枚

桂枝 四兩

右四味。以甘爛水一斗。先煮茯苓減二升。內諸藥煮取三升。去滓。溫服一升。日三服。

甘爛水法。取水二斗。置大盆內。以杓揚之。水上有珠子五六千顆相逐。取用之。

胸痹心痛短氣病脉證法第九

師曰。夫脉當取太過不及。陽微陰弦。卽胸痹而痛。所以然者。責其極虛也。今陽虛知在上焦。所以胸痹心痛者。以其陰弦故也。